

摘藻堂四庫全書薈要

集部

欽定四庫全書薈要卷一萬三千二百六十六

集部

御製文初集卷二十七

銘

多福硯銘

惟古有訓斂時五福敷錫庶民幽贊化育承

天之序厥惟艱哉視民如傷孰釋予懷母曰九重之宮
而安其躬念部屋之竊歎每憂心以忡忡母曰八珍之
饕而供其宴念糲食之尚乏嗟何能以下嚙錫福謂何

遑云建極期愆尤之或鮮恒小心而翼翼我心如是我志在茲視此砥石貞堅不移庶

天

祖之鑒佑致風雨其咸時斯蒼生之多福即予一人之多福永與薄海而共之

硯銘

廼潤廼堅惟淵惟默韜采含精在几之側用掩瑾瑜芳流翰墨端人與處長資畜德

座右銘

維月在天常缺於盈維水在器既滿則傾古之哲人業兢兢慎彼盈滿若弗克勝意馳弗止防之若城言玷不為守之如緝無往不復何陂匪平勿謂豫大而侈豐亨矧茲九五位莫與京何求弗得何為弗成縱欲安止凜涉春冰適口斯已那事齟齬容膝亦安奚必雕楹勞於求賢逸於制情對

天惟敬法

祖惟誠憂其可恃懼其可矜我志若斯我行未能苟行
弗能言何足稱嗚呼小子終始斯銘

負宸銘

大德曰生大寶曰位負宸荅陽天以民寄天視民視天
聽民聽民欲天從影隨響應何以守位曰惟求仁君止
於仁繼天生民告爾小子夙夜敬止仁遠乎哉及之湏
跂

嘉量銘

皇子

聖祖建極憲天

叶

度律均鐘洞契元聲微顯闡幽何天

衢亨小子纘緒寰區撫臨

叶

協時月正日同律度量衡

製茲法器列于大廷匪作伊述

大猷敬承遵鍾得度率度量成量為權輿律諧六英猗

聖合

天

天心

聖明七政是齊為萬世法程如衡無私如權不凝如度
制節如量祇平律得環中紹

天明命叶永寶用享子孫繩繩我日斯邁而月斯征中
元甲子乾隆御銘

刻漏銘

粵昔重黎分司地天迎日揆景舉分測辰叶明時敬授

欽若昊乾予承百王省歲祈年齊政協紀命彼疇人叶

徼宮戒井斟衡酌權范金規木製茲漏蓮玉注金甬水

火燥寒協其高卑別以方圓九十六刻成一日焉視
彼陽晷明晦無愆較自鳴鐘淫巧徒傳攝提有紀孟
陬用平于以考時寢興慎旃于以熙績勤民禮賢業
業兢兢俯察仰觀器與道偕是驗是虔作銘垂誠貽
百曾玄

帶銘

與處與興毋或不敬叶佩韋佩弦醫德之偏

未央宮瓦硯銘

赤帝肇基鄴侯正宅陶人為瓦堅若金石宵露凝精曦
陽耀魄歷歲二千印花暈碧佳士振奇摩挲惋惜曰是
良材不礱而澤潤宜柔翰綴泛松液作硯惟寶重逾拱
壁鑒賞秘藏流傳屢易曩邁陽九淪委沙礫貢珎天府
輝暎東壁臨池靜對俛仰今昔締構經營英姿奕奕懷
賢興慕鑑古增惕何有區區文章字畫龍賓就名蟾蜍
滴瀝摘藻西京卿雲接跡

銅雀臺瓦硯銘

金仙一去鄴臺荒也銅雀片瓦羽之吉光也窪其中以
為硯溫潤而栗直以方也前有甘泉後香姜也得此以
鼎足貯金壺宜文房也龍尾珍於宋紫雲割於唐也傳
之千載數百載非弗寶貴矣不若斯之壽而臧也勒為
此銘發神雀之藻耀表甄官之精良也亦以慨奸雄之
骨已朽建安之年號不亡也

瓦腹有建安
年造款識

座右銘

凜于豐亨適求厥寧思艱圖易居安慮傾堂下萬里無

恃爾克明民方殿屎無恃爾善聽無矜大名無侈頌聲
止慾於未萌防危於無形日慎一日先民是程昔之人
有言曰堯業業舜兢兢臨淵履水式鑒茲銘

漢玉秘閣銘

隆其背虛其腹近取象艮下覆承以香檀表良玉淋漓
腕底松烟馥斐几長箋揮百幅

漢玉壁銘

虛其中維德之容受小共大共以撫萬邦

規其外維德之會俾爾耆而艾兆民攸賴

古硯銘


有序

內府藏硯甚夥向未經品題今年冬幾餘偶暇選其材良而製古者得唐硯三宋硯六元硯一皆真舊物也遲任有言人惟求舊器非求舊惟新夫人之惟舊千古不易而器之惟新獨於硯不然今端溪歛石非乏良材而沐浴詩書黝然光澤則古硯實有足珍者爰課實而錫之名并各為之銘刻之

乾隆己巳長至記

梁丘遲體

美最中全體大用堅



右觀象唐硯

因文見道爾光用葆

右菱鏡唐硯

水火既濟萬物得津逮

右石渠唐硯

硯者研也漱六藝之芳潤沃朕心田也

右垂乳宋硯

體具剛柔用合動靜日萬幾欽屢省福天下兮綿世永

右黝玉宋硯

與筆為入與墨為出不知不識是為寥天一

右紫雲宋硯

剛而柔翠欲流用以敷言萬春秋

右翠濤宋硯

珠含其胎澤潤於礎元雲蒸蒸不風而雨

右暈月宋硯

冽寒泉潤嘉穎立體於靜福田斯永養而不窮者井也

右方井宋硯

有暈其黃載守其黑是為支離之珀

右凝松元硯

養心殿銘

人心惟危在閑其邪道心惟微在培其芽其閑其培皆
所為養操存舍亡毋湏臾放叶有如時雨沃此寸田大
公順應動直靜專動匪憧憧靜匪寂寂矧其為君更宜
乾惕一念之善百禩蒙庥一念之惡萬姓貽憂養之之

方存誠主敬克己復禮外王內聖孰本孰末外由內施
任重道遠責萃君師彛殿崇崇願名思義作此銘辭永
訓後世

漢玉墨牀銘

孕土華承墨濡竹素園容卿枕

董其昌硯銘

其製朴其性堅伴香光居畫禪叅五合常慙旃覬過眼
幻雲烟一片石全其天

吳鎮硯銘

墨華吐沛時雨

竹根筆筒銘

懿此君植本固節已見文不露虛其中葆乃素封管城
以類聚侍文房四美具

黃楊木界尺銘

大樸不雕好是正直溫潤而澤矢其文德

金牛銘

夏禹治河鐵牛傳頌義重安瀾後人景從制寓剛戌象
取厚坤蛟龍遠避詎數鼉鼉濫此昆明瀦流萬頃金寫
神牛用鎮悠永巴丘淮水共貫同條人稱漢武我慕唐
堯瑞應之符逮於西海敬茲降祥乾隆乙亥

宮殿四銘

有序

宮殿者所以受之

祖考傳之子孫建極撫辰以治四海且鴻稱煌煌顧名
思義常恐羞之其視盤盂几杖日用之物不綦重

乎因讀韓愈五箴有警儆其體為四銘焉

大哉至健純粹而精昭昭成象蕩蕩難名四德嬪用六位時乘靜專動直資始大生我

祖我

考奉是丹楹五福敷錫萬國咸寧敢恃崇居惴惴矜矜益慎體乾惟皇永清

右乾清宮銘

萬物致養是曰

厚坤安貞廣大配

天為元昔在

盛京

清寧正寢建極熙鴻貞符義審思媚嗣徽松茂竹苞
神罔時恫執豕酌匏廣博無疆黃中正位以繼以繩惟
曰欲至于萬世

右坤寧宮銘

四德何以首元四時何以首春仁者人也要莫大於親

親刑寡妻以至兄弟民同胞而物吾與皆由此施關痛
癢而肫肫然其所包者廣是以孔子對門人之問不同
而莫非由已之所存人盡宜勉又何況乎為君吾用是
居昭仁之殿怵然惟恐有愧乎斯言

右昭仁殿銘

求全之毀吉德也辯之不已是惑也不虞之譽凶德也
居之不疑是惑也知惑不為直言其來知惑而為諛言
其滋諛滋悔生直來其亨宜已而辯汝奚為善宜疑而

居汝惑奚祛屏乎營乎其思德之所宏乎

右弘德殿銘

鑄鐘銘

自古在昔功成作樂辨物涓吉鑄此鐘

皇祖正音中和大備詎獨是遺或存

深意績底西旅瑞出西江考制象器協和萬邦一簋特
懸用起律首編鐘繼奏簫韶成九寬橫樂舞必考必精
慎遵

前憲敢或損增宣陽導陰立均出度萬事本根百王桀

矱

叶

繫予小子蒙業

重熙賴

天者定惟曰際時範器識年悉新已盛銘無溢辭惕乾
懋敬

特磬銘

子輿有言金聲玉振一簋無雙九成通進準今酌古既
製鑄鐘磬不可開條理始終和闐我疆玉山是矗

青白
玉石

子出於河灘而綠玉則獨蠹一山可得大材命工
匠依黃鍾尺度採取以供 壇廟朝堂之用 依度

採取以命磬叔審音協律咸備中和泗濱同拊其質則
過圖經所傳浮嶽涇水誰誠見之鳴球允此法天則地
殷二鼓三依我繹如獸舞鸞鬃考樂惟時

乾禧

祖德翼翼繩承撫是萬國益凜保泰敢或伐功敬識歲
吉辛巳乾隆

壽安宮銘

辛未題額非創伊修

舊是地為咸安宮

慈寧六秩行慶延麻

愛日循環千甲載週金穰辛建物盛已逮

七袞爰開

萬壽惟悠合天下養與太古侔瓊宮枚枚有楠有桴蘭
咳叶什梅席稱觥鴻儀重舉以十為籌則百斯十始而
復周

和闐玉龍馬負書銘

土繡雲回蔚兮蒼然在彼玉河蓋千萬年粼粼環環曼
衍鬱卷西旅底貢有如獻環刻以龍馬負書洛川相承
奇偶數肖地天奉若清寧安益求安敢誇者定彌勵惕
乾

漢玉半截觚銘效梁丘遲體

玉觚半截足娛玩潔

玩

樂

卷

玉

觚

井

森

足

御製文初集卷二十七

欽定四庫全書薈要卷一萬三千二百六十七

集部

御製文初集卷二十八

贊

列代賢明妃后垂稱奕世者取繪十二繫以贊

西陵教蠶

在昔軒轅正妃嫫祖孕虞毓唐發湯啓武得姓十二如
千子乳創制蠶織窳陵為輔衣被天下功垂萬古後世
文勝乃崇黻黼

太姒誨子

昏姻匹妃王化之始維周勃興嗣徽太姒富而能儉貴而不恃載在風詩葛覃卷耳更勤教誨有穀貽子昭哉嗣服武周濟美

姜后脫簪

黃裳六五以順為正子有幾諫妻寧無諍卓哉姜后宮闈之鏡金環進退爪從衍慶彤史攸司慎儀宜令雞鳴朝盈脫珥待命

樊姬諫獵

先民有訓聿戒禽荒卓彼樊姬感悟楚莊有肉弗御乃
止王欲一語進賢霸功以卜不謂婦人克相其君邈矣
邑姜十亂稱臣

燕姑夢蘭

乙始啓商蘭亦徵穆吉人在宮天使詔穀國香揚揚掌
夢其卜嚶彼小星三心五噉椒聊遠條爰昌七族鄭多
君子宣尼所錄

許后奉案

后母天下首崇儉德坤順承乾柔嘉維則繫維許后貴
而能抑不忘寒微車服是飭日朝長樂用脩婦職懿彼
芳型永為後式

婕妤當熊

圈熊攀檻羽林驚迸得人則止誰歟知命婉孌季女忠
貞維性直前當之熊為戢橫六宮咸忤一人倍敬埋禍
無悶中語傳競

班姬辭輦

王者求賢爰載後車左右前後正士與俱景仰休風三代之隆何逮漢季嬖媵輦從一言稱善如園斯轉永鑒班姬遠彼婉孌

馬后練衣

十歲持戶侯家整肅母儀天下六宮欽服練裙澣衣以率戚族儉德之共綏將福祿車水馬雲明訓在牘豈伊輝漢作則椒屋

徐妃直諫

元成有言顧為良臣流風丕振乃自宮嬪徐妃上書東
征抗陳惜哉唐宗納而弗斷外事征討內營宮館頓忘
初年如園斯轉

昭容評詩

玉秤降天乃生女子衡才汝耶孩笑而唯昆明賦詩綵
樓落紙辭華哲匠月旦自彼千載騷壇一時牛耳展如
之人文亦可喜

曹后重農

稼穡維寶王政所崇襍禡耒耜必親必躬維宋曹后播
種于宮彷彿親蠶獻繭效功克勩內治聿著芳踪嗤彼
雕鏤何事傷農

闕里十贊

有序

戊辰春二月東巡狩奠

先師法

皇祖也日戊寅至闕里所司以詰朝舉祀禮具儀聞朕

惟車駕既莅廟貌遙瞻隔宿偃居非所安也爰以
始至日辨香瞻謁肅拜以布誠待質明而釋奠斯
於禮為宜乃易吉服率近臣入萬仞宮墻歷奎文
閣撫遺櫓過杏壇遂登大成之殿以展謁焉

粹容如日月麗天

聖蹟似江河行地既而周循右序更轉左廂所云金
絲詩禮故井故宅無不考其蹟而想見

夫子之遺澤至今存也為之歔歔為之虔悚夫

孔子萬古一人也誰能贊之然天地不言其高厚而
生天地之間者無不知天地之高厚是贊也亦如
是云爾

萬仞宮牆

芑予自幼被服

聖言明德新民知易行難顯有素誠瞻謁尼山亦既往
止敢云得門

奎文閣

奎婁垂象爰在魯東

夫子之文天地並隆煌煌

御書充牣其中

先聖後聖其揆則同

手植櫟

文欄肥壤厥有櫟株

先聖攸植繫手澤餘幾經枯榮左紐右紆造物憑護孫

枝扶疎

杏壇

憶昔緇帷詩書授受與有榮焉軼桃轢柳博厚高明亦
曰悠久萬世受治杏林何有

禮器

祗謁

先師載觀禮器犧尊象尊伊古之制有道存焉儀型攸
繫申命太常記予初祭

聖蹟殿

明王不興夫孰能宗豈無宗者邈矣莫從鐫勒苔華景
仰遺踪七十三年雲中見龍

金絲堂

禮樂詩書金絲萬古豈繫魯恭廣宅斯舉在左移西亦
惟其所懸甕乃神

夫子不語

詩禮堂

昔者趨庭詩禮垂訓維言與立伊誰不奮九仞一簣願

勉乎進御堂聽講景仰

聖舜

故井

疏食飲水曲肱樂之既清且潔汲繩到茲我取一勺以
飲以思嗚呼

宣聖實我之師

故宅門

居廟之左殿門斯故藻績不施意存後素徘徊瞻心

金
卷二十八
馬學步告爾後人由茲義路

漢柏贊

鬱鬱嵩陽枚枚書院仙柏挺生代紀炎漢匪漢伊始錫
名始見伯仲大椿招搖佺羨予奉

慈闈省方周甸望古徘徊祝

釐宴衍繪圖以歸璇宮拜

獻正值稱觴日長綵線鳳翥鸞翔金輝玉燦

怡顏顧之同增遐筭如呼其三永

壽於萬

慈竹贊

有猗者篋異幹並根傍以文石生於沃原詎擬渭川奚
必嶰谷鳳影龍文詩人詠足嘉茲德植其名曰慈萬葉
千篠百世本支不老後天密蔭垂露有雲有仍如復如
顧山樵創法繼者石田撫厥粉本載獻

壽安華有同不樹稱連理取義徵祥其焉匹此芳飈若
拂愛日初長翠映

登階

萬壽無疆

十六羅漢贊

第一阿^彌樓達尊者

龐眉皓首赤脚露肘一亦不立二復何有左執提鑪香雲無量以拂拂之是真供養

第二阿資答尊者

扼腕趺足宴坐偃息問此大士為語為默默者動母語

者靜因動靜兩忘誰為法身

第三拔納拔西尊者

住可住山證無所證或問佛法豎二拍應髮長更蕭髭
生不除去留之間寄此幻軀

第四嘎禮嘎尊者

聞之吾參心廣體胖芥及須彌何隘何寬雙手拍端各
振金鈴即聲即寂非寂非聲

第五拔謹連答喇尊者

衣取蔽身座取息體同異色空示之一指在鉢刺拏隨喜六檀檀喜相忘亦不相捐

第六摅達刺尊者

肩披七條耳屬雙環是栗棘蓬是金剛圈貌狠可怖其心則慈慈狠胥幻稽首導師

第七嘎納嘎巴薩尊者

心似枯木面若凍梨古有彭聃見其孩時手拖絲繚其長如許縛乎解乎惟人自取

第八嘎納嘎瑟喇釳祿尊者

著迦隣陀藉以蒲團展目揚眉亦不止觀歸根得旨隨
照失宗得失得同乎不同

第九瑟沽拉尊者

萬物我備何踈何親手撫山鼉喜其性馴馴則不擾喜
則無憂與諸衆生佛土優游

第十喇乎拉尊者

如來轉物衆生物轉誰識此者頂門巨眼持七寶冠將

供如來有能所乎不言已該

第十一祖查巴納答嘎尊者

端坐叉手具何神通有相無相孰是真宗頂後圓光如
月入懷行脚事畢幾兩草鞋

第十二祖查拉瑟喇釵禰尊者

左擎梵帙右挈鍵銘行住坐卧不即不離佛出世時度
此黃耆說法則雄如師子吼

第十三祖巴那塔嘎尊者

佛陀羅尼按之在手面暈霞紅如醉於酒於四諦理斷
疑惑根_{巴那}塔嘎是聞佛所云

第十四箇噶塞納尊者

振隙棄羅瞪目傾耳視乎聽乎非彼非此左持淨瓶貯
如意珠意且假名珠誰如乎

第十五鍋巴嘎尊者

我觀四大孰是真常水流石冷風過花香尊者橫經注
其兩目何不啓觀未觀意足

第十六阿必達尊者

色相雖幻壯則勝老豈其揀擇護茲三寶雙手擎塔其質黃金是法華劫示現至今

十六羅漢之名見於梵經納_{納達}傳及法住記俗所稱十八者不見梵典咨之章嘉國師云西域但有十六之號而無十八若增以第十七_嚩瑪伏虎尊者第十八_納答密答答喇降龍尊者則正符今之所謂十八也宋蘇軾十六羅漢贊不載其名復有十八羅漢

贊備書梵號其前十六人與法住記合而後二人一

曰慶友即所謂難提蜜多羅為諸苾芻說十六大阿

羅漢住處者一曰賓頭盧即賓度盧跋羅墮闍實乃

一人重出良由此土僧伽未能深通貝筭展轉傳訛

博辨如軼亦不免因人致誤耳夫神通顯示多至五

百若八百乃至九十九萬億奚事十六十八之斤斤

哉顧佛薄伽梵般涅槃時以無上法付囑十六阿羅

漢令其護持自當以十六為正前人畫羅漢相如張

僧繇盧楞伽二人皆止十六斯亦一證也茲命丁觀鵬寫十六應真像成朕各為之贊而應真法號一正以章嘉國師所定同文韻統合音字并系唐古忒梵字於前有學無學人可共證之云

釋迦牟尼文佛贊

轉物覺生能仁調御寶月常圓法雨普霑天上天下世出世間六度萬行作如是觀

趙脩祿羅漢贊

手持明珠瀉之為水赤脚踏波渡不須葦是一是二非
彼非此和南應真全身裏許

丁觀鵬摹丁雲鵬羅漢贊

具足神通如是游戲狂象獐龍孰非我類無降伏意有
飯依心厯厯淨土馥馥香林進者呼來繼者應往借問
何之極樂安養四大本幻作麼傳神雲鵬觀鵬前身後
身

丁觀鵬摹丁雲鵬十八羅漢贊

應真二九林間宴息或具威儀或露肘臆龍女捧冊童子
華瓜孰凡孰聖分疏則那異類中行如是處止金不
博金水不洗水五體三鬣同乎不同歷劫遊戲大圓鏡
中

福祿壽三星贊

福

我受命溥將

詩

降福穰穰

詩

大有元亨

易

用敷錫厥庶

民

書

豈弟君子

詩

受天之祜

詩

永言保之

詩

俾緝熙于

純嘏詩

祿

俾爾戩穀詩

受天百祿詩

惠我無疆詩

寵綏四方書

受

小球大球詩

天其申命用休書

綏萬邦屢豐年詩

萬物

皆致養焉易

壽

天保定爾詩

萬壽無疆詩

保合太和易

身其康強書

君

子所其無逸書

信彼南山詩

以引以翼詩

惟曰欲至于

萬年

書

丁觀鵬畫不二圖贊

居士示疾調御遣視五百菩薩不任其使甞殊室利稽
首請行常言致問盡契佛經曰色曰空是二是一豎雙
拍應擬議即失天花繽紛散天女手咨是空色花曾著
否


姚文瀚掃象圖贊

檀林宴坐义手如如寧來香象課童埽除象即非象塵

自何來曰何來者寧非纖埃踏河到底驚雷成紋具此
正見曾不疏分大士不言象自了了運帚揮茗侍者顛
倒



御製文初集卷二十八



總校官庶吉士 臣張能照

校對官庶吉士 臣翟槐

謄錄監生 臣溫之誠

欽定四庫全書薈要

集部

御製文初集卷二十九

三十

詳校官原任編修臣徐立綱



欽定四庫全書薈要卷一萬三千二百六十八

集部

御製文初集卷二十九

贊

貫休畫十六應真像贊

第一阿

迎機達尊者

衣披百衲杖扶一筇梵書貝帙注目橫眉阿唎吒迦

此云

數珠

若有所記記則不無而非文字

第二阿資答尊者



抱鄰獨坐嗒然若忘心是菩薩貌是鬼王左梅檀塗右
利刀割何怨何恩平等解脫

第三拔納拔西尊者

閉目巖中入無生忍流水行雲事理俱泯聊復爾爾起
心則那威音賢劫一瞬而過

第四嘎嚕嘎尊者

撼石側鄰於焉以息惟是上人非語非默眉毛拖地以
手挽之詎云揀擇示此絲絲

第五拔雜哩嚩答刺尊者

顛顛其面殘殘其身中有相好孰識此因以經擲地叅
學事訖佛尚不居而況非佛

第六拔哈達刺尊者

灌頂豐頤著水田衣七佛說偈都得聞之目窮色空任
其蚌鷸趺坐盤陀行脚事畢

第七嘎納嘎巴薩尊者

前身飲光後身慧理西竺靈鷲識飛來此竺鞞幾兩竹

杖一根可放下著永住聖因

第八嘎納嘎惹刺鋸禱尊者

五蘊六識真幻異同豎此一指非彼天龍與木石居毛
生手足何不翦之誰翦豕鹿

第九撥沽拉尊者

軒鼻响口數珠在手萬法皈一一法不受娑羅樹下兀
然忘形演無聲偈有童子聽

第十喇乎拉尊者

亢眉瞪目若有所怒借問佛子怒生何處喜為怒對怒亦喜因畫師著筆任其傳神

第十一祖查罵答嘆尊者

倚槎枒樹憩偃僂身誰為觸背誰為主賓示其兩指以扇拂之捉摸不得擬議即非

第十二畢那楂拉瑟喇鍛襍尊者

有台其背有龐其眉經橫於鄰無慮無思稽首尊者壽復何若侍燃燈筵待彌勒闍

第十三 巴那塔嘎尊者

了一切法參如是經水流石冷風過花馨示囑圖地示
光明藏立意掃除是謂理障

第十四 訶鳴塞納尊者

曉目突額若鬼吏區見者莫怖大慈真如呿呴偃仰合
掌雙手不聖不凡非無非有

第十五 鍋巴嘎尊者

扇取祛熱衣取蔽寒云無寒熱是外道禪熱即熱中寒

離寒裏金不復礦冰仍是水

第十六阿必達尊者

以沉水香炷折脚鼎三藏靈文轉彈指頃法尚不住何
像可留問誰多事曰此貫休

唐貫休羅漢贊

邨上橫經畧觀如是閒置草屨事畢行履貫休作像稽
首應真像及所像孰踈孰親尊者注目不加一語如人
飲水冷暖自取

趙孟頫畫第一祖贊

巍巍相好坦坦跣跣西來北渡何同何殊受七佛偈開
五祖傳芒屨擲地袈裟在肩拂子絲絲豎者何限是塗
毒鼓是正法眼

蘇漢臣古佛贊

偏袒右肩坐嵌巖裏示有為相示無生理若菩提樹若
青蓮華頂肉髻光燭恒河沙是古燃燈是釋迦文均名
字耳稱謂由人

趙孟頫羅漢贊

四大假名三身何有兀坐樹下示人以手背觸不得能
所胥忘頂後圓相具足真常盡馬則非盡佛則是水晶
道人猶著此子大士不言廣長無量稽首掌中如是供
養

丁觀鵬摹貫休十六應真像贊

第一阿_{迎機}達尊者

兀坐盤石赤脚披緇橫經於胷若有所思思則不無能

思者孰作如是觀觀此尊宿

第二阿資答尊者

監暫其面吧呀其口龍準鳶肩抱膝露肘亟貌之猛亟
心之慈慈猛胥忘合十皈依

第三拔納拔西尊者

於嵌崖中入大禪定一切佛魔弗著本性薦問大士何
不示人無可示者不如不言

第四嘎禮嘎尊者

昨日過去明日未來孰是現在拖眉而哈亦水田衣亦著於體冷暖已知權護惜此

第五板雜哩嚩答喇尊者

貝帙且置用觀則那袒裼裸裎焉能挽我是曰相好是曰威儀言同不可何況於異

叶

第六板達喇尊者

以恒七寶滿佈大千不如金剛能悟四言眉橫鼻直注目而視作麼作麼如是如是

第七嘎納嘎已薩尊者

敷席坐石不處以嘖亭亭竹杖却具三身日月面一
吸一呼了本性空不離幻軀

第八嘎納嘎瑟喇銀雜尊者

降肱麵扶杖合掌箇坐具地極樂安養示其雙足一
跣一鞞設生分別未識禪那

第九瑟沽拉尊者

有樹槎枒束經置孔倚之小憩非靜非動靜為動母動

亦靜因童子不答乃得其真

第十喇乎拉尊者

具大雄力坐不目逃於示怒中隨喜逍遙喜固春溫怒亦秋肅試觀代謝意於何屬

第十一祖查巴答嘎尊者

聃耳澤鼻其貌殊特仙乎鬼乎不離不即一身一樹示以二指於法華經我聞如是

第十二罪楂拉拔答喇鍛雜尊者

在古九頭壽萬八千於此綺眉如嬰兒年若如是云綺
眉何往水在瓶中月在天上

第十三巴那塔嚶尊者

展卷而觀乃無一字不禁戰然真是真了義廓然無聖何
有於凡於功德海亦不唐捐

第十四嚶嚶塞納尊者

魑頭吐舌貌可怖人皎皎滿月蓬蓬遠春火劫非久刹
那非暫擎金剛拳無分別念

第十五鍋已嘎尊者

有扇不扇有衣還衣豈其捨求不可思議捨魔求佛佛
即是魔了心如幻行六波羅

第十六阿必達尊者

擎經炷香供養如是能所兩忘於一彈指貫休作像觀
鵬摹真黃花翠竹萬億化身

唐貫休十八羅漢贊

第一阿

迎機達尊者

履杖飛行非空非地作不二觀示第一諦雪山證道首
聞雷音作麼生會如風竹吟

第二阿資答尊者

枯槎貫月負鬼臾區尊者抱鄰不動如如圓相一筆傳
吳道子問誰師承貫休作此

第三拔納拔西尊者

嵌巖宴坐似水中月是卅二相是恒沙劫曰嘎禮嘎尊
者比肩光光相映萬法如然

第四嘎禮嘎尊者

開眼見明閉眼見暗咨是上座於何置念學人稽首侍
者擊磬曰如不覺其見墮聖

第五拔誼連答答刺尊者

袒胷赤脚不著雙屐撫掌啞然一闔一闢禿髮龐眉面
若凍梨喜少惡老非惑其誰

第六抵達刺尊者

合掌詢法示之隻手曰再請益問汝會否如是說法豈

不甚易本來不難汝自倒置

第七嘎納嘎已薩尊者

眉目清揚示少年相曾見威音其壽無量手托鍵鎔

此云

淺鐵鉢

盛食及水渴飲飢餐不異人耳

第八嘎納嘎唎鋟雜尊者

拄杖過橋拊侍者背無畏上人乃若有喘貯琴於囊急
緩都忘我聞如是四十二章

第九嘎沽拉尊者

盤桓扁石非默非語著敝衲衣破則自補猴子齧斷蹲
眩於旁金鍼度彼正自不妨

第十喇乎拉尊者

偃僂台背瘦如柴枯雖事爬搔不倩麻姑痛癢自知誰
痛癢者局局解頤南無般若

第十一祖查巴_納荅嘎尊者

怪石長松於焉小憩展卷而觀亦無文字五蘊皆妄四
大本空咨憩觀者曾何異同

第十二罪那楂拉瑟喇鍛雜尊者

念珠在手誦佛於口是一是二曰楊即柳聞法最初亦

不執法賓頭盧是

梵云畢那楂拉瑟喇鍛雜
華言切音為賓頭盧

阿育設榻

第十三巴剎塔嘎尊者

如意挂郝睥面盎背蘊玉山輝涵珠川媚綠芭幾葉覓
心則空設云即法墮異道中

第十四訶嚙塞納尊者

手擎宰堵高不滿尺三千大千納之無迹諸佛開塔法

華所云奚童烹茶乃如不聞

第十五鍋巴嘎尊者

注目於鼻叉手於胸息踵達臚內空外空身既如幻護
惜作麼示大圓鏡行六波羅

第十六阿必達尊者

偏袒右肩合十雙手即佛即魔非空非有波斯長跪獻
甘露漿受觸辭背真妄幻常

第十七嘎鵝巴達刺瑪尊者

手撫牛哀如愛花狸童子怖覩不知所為變相十八貫
休所傳相即非相朵朵青蓮

第十八納答密答刺尊者

淨餅貯水中育龍子獐龍欲取怒目以視爾慈用猛我
猛用慈慈猛俱幻皈依導師

震旦所稱阿羅漢之號十六十八傳聞異辭曩咨之
章嘉國師而得其說因證以法住記及納_{納達}答刺傳定
為十六應真而以同文韻統合音字正其名命丁觀

鵬視西湖貫休畫本一再仿之而再製贊焉今重閱
秘殿珠林貫休羅漢像十幀其八並列二像與前所
定數悉合其二像各一則世所為降龍伏虎者也始
覽而疑之復詢諸章嘉則一為嘎_沙巴_達瑪尊者一為
納_答密_答喇尊者乃知西域十六應真之外原別有降龍
伏虎二尊者以具大神通法力故亦得阿羅漢名夫
佛初出家時阿難迦葉為佛二大弟子已復合舍利
弗以下八人有十大弟子之號而俱鄰婆敷二比丘

亦隨佛修道為大弟子乃不列於十者之數則二尊者之於阿羅漢或分或合亦如是而已矣況乎得阿羅漢果者梵力圓成不復有我人衆生壽者相若五百若五千乃至二萬五千如恒河沙算數譬喻所不能盡皆可作平等觀顧於十六十八生分別想耶向嘗正蘇軾十八羅漢贊重出之訛今復取其文而讀之其於羅怛羅尊者則曰龍象之姿魚鳥所驚於伐那婆斯尊者則曰逐獸於原得箭忘弓非即降龍伏

虎乎蓋既誤以慶友賓頭名複見而所云羅怛羅即
喇乎拉尊者伐那婆斯即拔納拔西尊者賓度羅跋
羅墮闍即畢楂拉瑟喇鍛雜尊者蓋以唐音切梵音
故舛訛至此不如同文韻統合音之為得正也軾又
有蜀金水張氏畫十八大阿羅漢頌其標題有曰正
坐入定大蟒出其下者有曰有虎過前童子怖匿竊
窺者而其序若跋多引十六羅漢神變事則以軾之
頌印軾之贊可以軾之頌贊印章嘉之說亦無不可

若夫羅漢顯示圓通不可究竟讚歎亦不可究竟一
偈一句具大因緣瓶水雲天隨指應現佛聞如是或
亦拈花一颯然乎系以華梵合音從其類押以珠林
繼鑑璽者自今以後凡有重題將胥以此識之

丁觀鵬畫初祖贊

一花五葉前三後三西土震旦彈指華嚴露頂赤脚具
大人相謂傳法來則墮語妄妄即非真真即妄也合十
圖中觀如是者

趙孟頫羅漢像贊

抱膝踞頤嗒然若啞科頭赤脚徹上徹下是迦葉佛是
達摩尊是即相好作麼見聞心本無生因境而有松雪
仰像妙喜陶手

姚文瀚畫羅漢贊

翠岩袖手餅鉢不持神通變化無所之施開眼見明閉
眼見暗何處微心本來弗欠了心如幻見身無實畫師
寫照不殊面壁

丁觀鵬畫大士贊

具大人相坐青蓮花如水中月如蕉中芽空是性空色
是性色性不自性相於何得調御丈夫妙觀察智救苦
解災乃其餘事真即是幻幻豈非真如是法燄稽首普
門

金廷標羅漢贊

手持青蓮欲供金鉢需水沃之澗泉飛沫曰水有與是
謂邪見曰鉢有取是何神變取與胥幻水鉢非二誥諸

應真善哉遊戲

趙孟頫達摩贊

頂上肉髻膚已生毛長松盤石宴坐逍遙手中無花面
前無壁會麼會麼是真花壁圖梁初祖是宋王孫曰宋
梁幻已落聲聞

李公麟十四羅漢贊

我聞如是古德諸公渡海何往是異是同騎鯨踏岸曰
何神通如彼香象踏地若空十六十八曾考厥宗入海

箕沙笑我猶蓬此則十四理又難窮應真大笑水月松風

右李公麟渡海應真卷自龍神侍者而外其阿羅漢數祇十四而程嘉燧跋尾乃稱十六嚮命畫史仿貫休舊本曾參考梵典詳列位號十六尊者始有定名若世所傳十八羅漢特援羅怛羅伐那婆斯兩尊者增之耳今卷中已繪降龍伏虎二像則當是十八嘉燧跋尾時僅見十六則亦云十六及裝潢屢易較嘉

燧時又遺脫其二耳抑或公麟未諳釋理且別有所
本耶佛子無分別相是半是滿是滅是集一切種智
不可思議余既贊之如是則亦誌之如是云爾

趙孟頫達摩像贊

一片彩雲幻住虛空稽首法相是異是同異即非同同
即是異一彈指頃去來今世得無生忍燃慧命燈向壁
九載半語何曾披七條衣露頂赤脚地祇迎拜了覓不
著法傳慧可履付宋雲多事圖像乃秀王孫

盧楞伽阿羅漢像贊

水月道場盤桓合手聞法最初得法則否十六十八其
數異如考歸一是算沙嗤余鏡裏魔軍夢中佛事禮佛
降魔兩皆兒戲楞伽作像證者瘦金大士默坐如獅吼
音

御製文初集卷二十九

欽定四庫全書蒼要卷一萬三千二百六十九

集部

御製文初集卷三十

贊

紫光閣五十功臣像贊

有序

西師之後賴

天祐乘時運資衆力拮据擘畫幸底厥績固非予一人
所敢逆料敢期必也然稍可以謝衆論愜深衷者
無他則以賞罰信而應機速耳語云日中必昃操

刀必割言應機宜速也書曰罪疑惟輕功疑惟重
言賞罰宜信也機之來發於無窮之源而應以萬
變之極蓋難言之若夫信賞罰似非難事而亦有
所難者則以不能因物付物有所容心於其間耳
且罪疑而後從輕若不疑而亦從輕則偷生者何
懼焉功不疑而從重其理固當然涉疑而屢從重
則冒賞者生心而真功反有向隅者矣是知疑不
可也夫不疑而功惟真功賞斯重焉罪惟真罪罰

斯必焉則捨命灰軀冒矢石投鋒鏑之倫孰不勸
以懲乎茲者事定功成寫諸功臣像於紫光閣朕
親御丹鈐各系以贊不過譽不尚藻惟就諸臣實
事錄之並闡其義如右雲臺二十有八凌烟閣二
十有四而此五十人者則以國家中外一統宣力
者衆然此猶舉其尤赫者若夫斬將奪旗建一績
致一命者亦不忍其泯滅無聞將亦圖其形而命
儒臣綴辭焉

大學士一等忠勇公傅恒

世曹元臣與國休戚早年金川亦建殊績定策西師惟
汝予同懌侯不戰宜居首功

定邊將軍一等武毅謀勇公戶部尚書兆惠

濟爾哈朗喀喇烏蘇兩番襲迫均保無虞以智濟險以
誠感衆卓哉崇勳闡我提封

原定北將軍一等誠勇公兵部尚書班第

元戎率師平定伊犁而何阿逆叛亂乘危變出不期投

軀西漠故里櫬歸痛哉酹酌

原靖逆將軍三等義烈公工部尚書納木扎爾
我懷賢勞命將往代正值黑水猖獗鼠輩以二百衆陷
萬賊中因緣徇節勇濟以忠

定邊右副將軍親王品級超勇郡王策布登扎
布

拍馬彎弓無敵所向不曾讀書如古名將和落霍斯少
勝衆彼超勇親王額駙之子

定邊右副將軍一等靖遠成勇侯理藩院尚書

富德

古云福將信有其言所遇均吉勇冠軍門不寧一勇兼
善於謀吉林拔萃特賜封侯

原定邊右副將軍二等超勇伯內大臣薩拉爾
彼中宰桑識時早歸副帥以往克贊戎機拔身戰出不
忘本朝云胡不死責備則澆

原大學士三等忠勤伯陝甘總督黃廷桂

外任封疆內司綸綍俾理儲胥經權弗詘殫誠盡智事
協予心未同凱宴痛惜曷任

叅贊大臣和碩親王固倫額駙色布騰巴爾珠
爾

惟科爾沁世連姻戚魯館承訓王庭宣力叅贊軍務賊
營夜侵中創弗退嘉乃忠心

叅贊大臣固山貝子扎拉豐阿

準夷之叛奉命在道賊遮中途屢戰不撓其志既篤其

材亦英蓋自髫年教養禁庭

叅贊大臣扎薩克多羅郡王羅卜藏多爾濟

渭陽所出扎薩額材命帥本部宣力龍堆及愛隆阿單
騎見虜降哈薩克厥功甚鉅

叅贊大臣多羅郡王額敏和卓

土魯蕃族早年歸正命贊軍務以識回性知無不言言
無不宜其心匪石弗可轉移

叅贊大臣工部尚書舒赫德

屢授重寄亦屢左遷厲厥意懦策厥材賢白衣白水聞
黑水信安衆進援爵秩重晉

叅贊大臣一等果毅公兵部尚書阿里衮

富德入援次呼爾瑞趨行戈壁馬不進焉以馬濟軍敵
營夜襲同事建績曰鄂博什

原叅贊大臣三等襄勤伯總督鄂容安

世臣知書料善論兵惜弗通語遂弗燭情變起倉卒力
戰命畢用違其材實予之失

卷三十
叅贊大臣一等承恩毅勇公戶部侍郎副都統

明瑞

椒室懿親年少志雄謂可造就俾學從戎獨出獨入既
忠且壯屢立宏勲愜予所望

叅贊大臣工部侍郎副都統阿桂

阿克敦子性頗捷敏力請從戎宜哉惟允身不勝衣心
可干城楚材繼出為國之楨

原叅贊大臣三等子戶部侍郎副都統三泰

率二百人共詣軍營臨敵而退寧謂忠誠如早聞信何致殞身不前不後失二賢臣

原叅贊大臣前鋒統領騎都尉又一雲騎尉鄂實

其兄徇節其弟忍使欲報兄讐固請不已黑水之挫復以捐身超雪前罪賞延後昆

領隊大臣內大臣博爾奔察

嬰鏢請行索倫巨擘挽五石弓尚能殺賊如鷙之擊手不

留飛鳥馬援來歸殊恩榮老

原領隊大臣安西提督總兵官豆斌

宿將行間久矣宣力所董綠旗遵其律則隊中獨喪是有命焉裏創慰衆益塵哀憐

原領隊大臣甘肅提督總兵官高天喜

爪牙之將用不拘資感予特達効命何辭百戰百進義弗旋踵怒則面赤是謂血勇

領隊大臣副都統塔什巴圖魯端濟布

將軍黑水先衆徑渡固營待軍實端濟布衆寡稍挫倉卒周防奪回人馬勇且謀長

領隊大臣護軍統領愛隆阿

將門傑種拍張撫髀受將軍檄力戰全歸整師再進賈勇陷堅弟已靈阿盡節軀捐

領隊大臣前鋒統領墨爾根巴圖魯瑪瑞

侍衛從征奇功屢立雖賊萬衆單騎直入陷陣馬仆距躍彎弓賊人咋舌稱天上雄

領隊大臣內大臣副都統巴圖濟爾噶爾

都爾伯特部中傑驍嘉其心直授職本朝凡與交戰義弗返顧師濟和闐不孤恩遇

散秩大臣穆爾德木圖巴圖魯齊凌扎布

旗籍蒙古偏校從軍殺賊則奮鶻入鵠羣與噶布舒分守和闐保衆集事且有謀焉

散秩大臣哈坦巴圖魯噶布舒

躍馬枰弧先鋒鏖陣入俄羅斯得阿逆信和闐既定論

功策勲衣錦歸籍散秩大臣

副都統噶畢雅圖已圖魯額爾登額

軍門統事諸務勤宣亦能力戰突將無前入拔達山索
逆猗馘曉諭殊方是其偉績

郡王霍集斯

奉元戎檄擒達瓦齊後稍觀望旋迎我師同大軍進被
圍黑水回部望族居之京邸

貝子鄂對

平伊犁時歸順勤王回部傑出其心允良往諭和闐被圍三月共噶布舒全守卓越

內大臣鄂齊爾

前無堅對後無返思持稍一呼千賊披靡揚揚英氣洸洸偉身與薩拉爾蓋同部人

散秩大臣喀喇巴圖魯阿玉錫

於格登山賊據險守率廿四人間道襲後諸賊大潰爰以成功本厄魯特降順効忠

原散秩大臣騎都尉達什策凌

衛拉從征噶噠吃額駙受創衛護以出用賜殊恩用
益奮感畢命回城每懷惻愴

副都統鄂博什

索倫營總乙亥出師老而益壯頗識戎機厄魯回部胥
聞其名聳身馬上如擊兔鷹

副都統圖布巴圖魯溫布

生不知懼戰不知退亦不受傷銅額鐵背弓可擔水箭

如鑿鐸溫侯名布是耶非耶

副都統克特爾克巴圖魯由屯

本射生手狼不暇走以之殺賊如探囊取奇功屢建亦因閱歷世職崇階酬其勞勩

原副都統騎都尉又一雲騎尉三格

渾齊潛遁疎防降謫從軍贖罪每戰必力黑水殞命豁罪論功圖像紫光表忠無窮

原頭等侍衛舒布圖鎧巴圖魯奇徹布

色沁之叛千賊一身賜巴圖魯昉乎斯人後復屢戰喪
哈薩克始終於是曷勝悼惜

頭等待衛博克巴圖魯老格

哈薩錫拉叫誼稱亂趨羊適過以計解難後復從軍屢
戰屢進單馬衝突獅子奮迅

頭等待衛墨爾根巴圖魯達克塔納

庫車圍攻命守要害偵賊來援周防以待賊卻乃前賊
前乃卻引至大隊是鞞是膊

頭等侍衛薩穆坦

厄魯劫運構釁互戕識時拔出力疆場首被擒選往
拔達山譯語曉譬共索馘還

原二等侍衛固濟爾巴圖魯雲騎尉瑞綽爾圖
捉生以出被回所遮衆寡不敵矢盡堪嗟罵賊以死雖
死猶生時共事者達什策凌

二等侍衛哈朗書巴圖魯塔瑪鼐

聞戰則喜無生有死五易馬進終弗却視身不及膽心

則之謀用以衝陣勝五百牛

原二等侍衛哈布台巴圖魯富錫爾

三巴圖魯於中之一要遮色楞忽墮其術不及彎弓白
刃揮霍猶斬數人之死弗卻

二等侍衛額爾克巴圖魯海蘭察

烈風掃枯迅其奚難亦賴衆傑摧敵攻堅於塔巴台射
巴雅爾是其偉績勇鮮倫比

原二等侍衛雲騎尉富紹

黑水築柵未畢賊侵蜂屯蟻雜攘攘林林持將軍令意
氣昂藏來往慰衆銳殞堪塲

三等待衛賽音博勒克已圖魯扎奇圖

狗盜鷄鳴孟嘗不棄竊馬何害用人之際問道達檄首
遘斯人雙雄比肩衝出萬軍

三等待衛什倫哈什哈已圖魯阿爾丹察

騎二駿馬縱兩神鶻回如瓦雀伏不敢發共扎奇圖左
旋右抽卒致軍信効力獨優

三等待衛卓里克圖巴圖魯五十保

軍檄再發更擒五英馳驛逾月迅至北京捨身報國不
可數算舉其尤者圖形作贊

趙孟頫浴象圖贊

五蘊六根人物皆具岸然香象豈不可度以八德水浴
四大身曰浴非浴則墮聲聞

趙孟頫畫達摩像贊

一葦橫江為來為去瞪目袖手澹然無慮江云渡所葦

卷三十
即是能兩不可得稽首聖僧

玉鏤達摩面壁贊

渡江一葦面壁九年何遲何速法爾如然古玉一握跌
對以處不窄不濶全身裏許玉工琢玉思肖達摩汝却
是誰知麼知麼

元人寒山拾得像贊

數珠在手右持棕帚一念一掃十八二九孰凡孰聖開
口呵呵一二二一與麼與麼你即是我我却非你戰然

嗒然水不洗水西天東土如是國清豐干饒舌真頓置
生

木刻文殊像贊

是法王子即法王身非一非二何疎何親如是現象據
師子背不見一法千古無對五臺示蹟國清留踪成所
作智妙應無窮扶寸非小丈六非大住世度人云何不
可

木刻觀音像贊

普門大士悲濟以慈隨聲應感實語非虛應以何度現身說法汝自不知墮鳩槃荼須彌棗葉孰大孰小是木梅檀示相了了水月宴坐花雨繽紛善財合掌稽首慈雲

仿蘇漢臣古佛贊

嵌巖盤石宴坐道場橫目豎鼻具豪相光羣魔伏盡諸天禮畢凡草枯木皆尼拘律偏袒右肩斫羅在手非語非默不空不有漢臣作像依樣偶為能所兩忘稽首導

師

寫五臺殊像寺文殊像成並贊

五峯鼎峙境實清涼日面月面靈鷲中央曰有祇園巍
然前麓殊像是名法光赫昱師子奮迅大士端嚴均佛
性智稽首和南祝

釐歲慶載經花宮相好默識如印印空像即非像真豈
誠真本無同異何復云云寫者為能應復有所乖謬殊
義咄哉未可於未可中覩此滿月常住莊嚴利濟無竭

南極壽星贊

高弧之南曰有六星聚而為體一老人形一六為七七
日復來

慈寧大慶七袞爰開綺眉聃耳曲錄其腰長頭豐額絲
髮飄蕭老人謂予來祝

懿壽如髮壽算無疆悠久

宋人觀音大士像贊

大水湯湯大山峩峩是西天竺是南補陀普門獨立山

水一如西天南海何有分疏左持淨瓶右綠楊柳度世
婆心非空非有佛觀察智赴感離塵應緣隨喜丈六金
身

丁雲鵬褒嚴大士相贊

卅二之相八十種好與佛無差方便權巧彌陀灌頂足
踏瑞蓮堂堂獨立法爾如然萬有之母調御丈夫執一
以求去道遠乎寶冠若華天衣似鏡内外色空光光相
映本願不離沛然甘露即今衆生無一不度

鄭重褒嚴釋迦牟尼佛贊

天上天下獨立稱尊水月道場現此金身三十二相八十種好曰是褒嚴見為顛倒維摩天花尚云弗著何佛光中兜陀紛落九華芝蓋七寶蓮臺三車法演五葉宗開即有即空非空非有衆生度盡宴坐叉手

玉觀音贊

善哉大士無像不現而不執像權巧方便西崑產玉王母所都大士王母何同何殊水月道場白衣宴坐施悲

用慈無可不可當以何度說法無遮玉不藉鏤竟演法
華謂珍珠瑯則匹瓦礫三界十方甘露一滴於微塵裏
轉大法輪如是瑞相稽首普門

唐人羅漢贊

龐眉台背示此幻身西天弗居而居聖因筇竹罷扶盤
陀且坐一彈指間無可不可羚羊挂角銜芝而來埋沒
家寶有如是哉左持淨瓶忽現大士明聖之湖全貯其
裏

黃龍古佛贊

西湖之上北山之陰有石竈峯有洞深沉我聞如是佛
無今古偶然游戲巖壑與處瘖嚴相好現此半身那半
弗欠全主全賓尋勝瞻禮調御丈夫默而識之設色為
圖和闐貢玉按圖精琢是同是異一大圓覺曰毘婆尸
曰釋迦文無可不可稽首慈雲

遊黃龍禮石洞古佛默識而歸於舟次敬寫相好一
日便成和闐貢玉適至即命按圖鑿相以為妙蓮華

室清供大小同異玉堅石脆吾將以金剛四句槩之
又是山之陽復有所謂石佛寺者誌稱僧思淨鑿石
為半身像七年乃成令錢汝誠至其處詳視迴稱寺
已頽廢像亦祇滿月面而非半身因並誌之

仿蘇漢臣古佛像贊

嵌巖之中盤亘盡背天上天下獨尊無對有說無說二
鐵圍山默然趺坐莫認不言偏袒右肩法輪在手三乘
四諦轉盡奚有水澄於江月印於天像即非像法爾如

然

宋人維摩授經圖贊

毘耶長者維摩詰是得無生忍神通遊戲叶不著三界
示有妻子因以身疾說法隨喜調御遣問率不任使文
殊爰行承佛之旨不二法門辯論彼此默然無言如乳
合水全圖不存師利奚止天女散花聊復爾爾

徐揚伏獅羅漢像贊

百獸畏象象畏鬚獅應真宴坐以大畜之問何神通不

起於座曰有伏者頓置罪過如意在手內空外空侍者
惕怖爾彼原同

丁觀鵬降龍羅漢像贊

尼拘律下盤鄰足跣狎毒龍視如蠅蚋明珠示諦其
捨之乎設云善拳劉累何殊嶽嶽頂相之而欲出前身
後身非二非一

貫休羅漢像贊

黃髮鮐背頂若癭瘤何弗醫去見有身不肉髻華髮亦

無所求以手支頤坐石優游把卷不談若江海流義在
汝邊寧待咨諏問誰作像得貫即休

盧楞伽無量壽佛贊

過去燃燈未來彌勒現在釋迦三身一德是無量壽是
兩足尊是何佛法青蓮在盆鵲噪鷄鳴無非讚歎三際
豎窮十方橫遍不離於座寶蓋蔭垂祥雲甘露稽首皈
依

倣趙孟頫古羅漢贊

明珠相好滿月精神婆羅樹下聊憩幻身一花五葉傳
法能仁不離坐處普度情倫西天震旦見布疑廣孰為
此語水晶道人

孟頫自跋云曾見盧楞伽羅漢像得西域人情態唐時京師多西域人耳目語

言相習至五代王齊翰輩雖善畫與漢僧何異余嘗友天竺僧於像自謂有得夫羅漢以德稱不以貌較觀此則松雪猶未免有執相之見也

丁觀鵬畫釋迦牟尼佛贊

過去燃燈未來彌勒現在釋迦胥不可得堂堂趺坐四
智三身諸魔降伏稽首能仁

丁觀鵬畫十六應真贊

第一阿迎機達尊者

拄杖而坐方趾圓顱借問是相為有為無聞法最先成佛最後孰後孰先阿喇在手

第二阿資答尊者

驀爾遇鬼其心則怖大士嗒然金針已度貌既猙獰衣亦藍縷孰知其中相好爾許

第三拔納拔西尊者

坐崖入定閉目止觀云見暗不義具八還脫其雙鞋置之足底是何為哉或偶用耳

第四嘎禮嘎尊者

有眼如盲有口如啞祇拖雙眉長過足下或云方便以是示度是謂著魔不可救處

第五拔雜哩嚩答喇尊者

有涎弗吐有癢弗搔火食不親其身出毛在昔虞舜與鹿豕遊其施沛然同源異流

第六搭達刺尊者

持鉢塞莫轉佛真言所說云何春暖秋寒瞬目於空泯
心於有如是如是則否則否

第七嚧禮嚧巴薩尊者

倚刺竭節坐石而思障礙及覺同異然疑假使世間皆
如舍利盡共度量不測佛智

第八嚧納嚧嚧刺鋁禰尊者

擎金剛拳豎其二指空色聖凡胥蘊於裏有說野干無

說獅吼水離非冰楊即是柳

第九 發沽拉尊者

吧呀大口鰲魼巨臯束經弗觀無所為累一樹一身法
華有云蓬頭童子以其目聞

第十 喇乎拉尊者

空山無人流水有聲悻然切齒雙目睚眦若有所怒其
怒緣何以一切法行六波羅

第十一 租查巴答嚶尊者

心是死灰身即槁木一齊放下倚樹禿兀齟齬曰陋惻
怛曰慈隨人識取尊者不知

第十二罷楂拉拏喇拏鍍襍尊者

黃耆台背如不勝軀現壽者相金剛云無夫既云無是
誰坐者示以二指塵埃野馬

第十三已編塔嚩尊者

如空印月月弗礙空展卷無字義具其中審如是云三
藏何闡應真注目默然遍演

第十四納阿嚙塞納尊者

以廣長舌現清淨身矧爾怒目慈悲度人怒既慈因慈亦怒緣日面月面夫何不然

第十五鍋巴嚙尊者

持扇而踞露其半面聖亦弗居而况凡見春至花開秋來葉落將謂道著誰知已錯

第十六阿必達尊者

梵帙閱畢焚香薰之是何佛法不可議思生住異滅萬

法歸一胡不視此傳神之筆

金廷標畫古佛贊

見身無實了心如幻海印發光盤桓指按伽梨不著偏袒右肩優曇樹側宴坐巖間諸魔伏盡亦無伏者波旬怒目意若弗下演三乘畢示萬法空無不可不可遊戲圖中

貫休臨吳道子古佛像贊

天上天下一人尊獨竹枝誰量丈六丈六菩薩皈依波

旬降伏不事莊嚴相好具足現此堂堂本來面目貫休
所臨道子之躅作麼生會黃花翠竹

御製文初集卷三十

皇上敕幾典學夙夜懋修功業既昭文章丕煥
御製詩初二集已稟成巨帙中外臣庶咸得欽
奎藻之光華遵風雅之極軌矣所喁喁延首者
鴻文美富猶未得快觀

瑤編以章醲化茲蒙

俞允宣付剞劂共得文五百餘首既告成臣等竊就

蠡管所能窺及者綴於簡末竊惟自古帝王之
文尚書尚矣其載堯以來典謨誓誥焜耀簡冊

然徵詞紀事多出諸史臣之手惟相傳精一數
言獨為萬世心法治法之要何也為其數言自
出也我

皇上心與天游身為律度化工在手因物裁成每當
清晏操觚不移晷而千言立就即萬幾一日庶
政時殷而間事抒毫筆無停綴點乙不加條理
燦具煌煌乎竹素之大觀也

臣等仰誦之餘竊

見

紹揚

謨訓祝嘏

慈寧凡愛敬之至文悉本性真之流露至於思艱圖易
創業守成之旨持盈保泰提躬牖世之箴以及
導河防海之機宜井牧農桑之要術與夫辨名
體物考異訂譌刻畫圖書陶鎔縑軸莫不滂沛
宸衷發抒蘊奧此豈一二區區簪筆之臣所能贊一
詞綴一字者況乎西庭暢武拓地二萬餘里其

間

命將行師發謀授畧當尺一飛馳

廟謨決勝之際指掌所運不隔呼吸

開惑論銘功紀績諸鉅作雖日侍樞筦之臣有雜誦
紬繹而猶不能深悉夫崖略者而又安能贊助
豪楮裨益涓壤哉若夫

講席解經

臨軒發策皆儒臣例應授簡之作猶且

親灑寶墨蔚為鴻構初不假橐籥提輶之手然則

御製樂善堂集序所云自今以後或出詞臣之手真
贗各半者由今觀之固咸知其不然即今日恭

誦

御製初集文序所云不欲與文人學士爭長者又豈
文人學士所能幾及萬一者哉伏惟

皇上宵旰之餘日新問學課藝有常凡六籍百家子
史之富罔弗貫弗殫洽用能鑪錘萬有漑液衆

言甚至俯採典實多臣等所未經披誦莫能記
憶者及繙閱再四然後窺識端倪每於直次類
首欽悚同謂

大聖人之文不獨本於生知實由好古敏求得之也
自茲宇內臣士既讀

初二集詩篇復景誦

琅函文集若涉水之導津涯若登山之識巔嶠萬分
一端隨所圭臬皆可以治鑄程材嘉惠藝藪則

觀文以化成天下之

盛心亦於是寓也夫

臣

劉統勲

臣

劉綸

臣

彭啓豐

臣

董邦達

臣

裘曰修

臣

于敏中

臣

錢汝誠

臣

觀保

臣


王際華

臣

蔣櫟

臣

竇光鼐拜手稽首恭跋



總校官庶吉士

臣

張能照

校對官庶吉士

臣

翟槐

謄錄監生

臣

溫之誠

財團法人
佛陀教育基金會
釋淨空
敬贈

